

«Х. ДОСМУХАМЕДОВ АТЫНДАҒЫ АТЫРАУ УНИВЕРСИТЕТІ» КЕАҚ, ЭКОНОМИКА ЖӘНЕ ҚҰҚЫҚ ФАКУЛЬТЕТІ, «АЗАМАТТЫҚ ҚҰҚЫҚТЫҚ ПӘНДЕР» КАФЕДРАСЫНЫҢ З.Ғ.М., АҒА ОҚЫТУШЫСЫ МҰХАНОВА АДЕМИ ТУРКМЕНБАЙҚЫЗЫНЫҢ АКАДЕМИЯЛЫҚ ҰТҚЫРЛЫҚ БАҒДАРЛАМАСЫ БОЙЫНША, Ш.ЕСЕНОВ АТЫНДАҒЫ КАСПИЙ ТЕХНОЛОГИЯЛАР ЖӘНЕ ИНЖИНИРИНГ УНИВЕРСИТЕТІНДЕ (YESSENOV UNIVERSITY) СТАЦИОНАРЛЫҚ ФОРМАТТА ӨТКІЗІЛГЕН ДӘРІС ЖӘНЕ ПРАКТИКА САБАҒЫНЫҢ

ЕСЕБІ

Қазақстандық жоғары оқу орындарының профессор – оқытушылық құрамы мен білім алушыларының тәжірибе алмасу негізінде, Республикалық академиялық ұтқырлық бағдарламасы мақсатында жасалған келісімшартқа сәйкес Ш. Есенов атындағы Каспий технологиялар және иницииниринг университетінде (Yessenov university), 2022 – 2023 оқу жылының 27 ақпан – 11 наурыз аралығына – «Конституциялық құқық» және «Мемлекет және құқық теориясы» пәндері бойынша, «Құқықтану» кафедрасының меңгерушісі З.Ғ.К., доцент (қауымдастырылған профессор) Әуешова Бағдат Тілектесқызының ұсынылған сабақ кестесіне сай стационарлық форматта пәннің оқу – әдістемелік кешені (Syllabus) негізінде дәрістік және практикалық сабақтар өткізілді.

Сабақ кестесі бойынша оқу аптасы 1 академ көлемінде, тақырыптарға сәйкес дәріс және практикалық сабақтар (1 курс) өткізілді. Пәнді игеру мақсатында заңдарға енгізілген соңғы өзгерістер мен толықтырулар жөнінде, білім алушылар өз ойларымен және көзқарастарымен бөлісті. Сонымен қатар, әлеуметтік желілерде соңғы жаңалықтар аясында туындаған өзекті мәселелер бойынша білім алушылар тарапынан сұрақтар қойылды.

Мультимедиялық дәрістер. Білім алушыларға сабақ өткізудің әдістемелік формалары – дәрістер, семинарлар, практикалық сабақтар және білім алушылардың өзіндік жұмыстары бойынша:

- мультимедиялық таныстырылым барысында, Конституциялық құқықтың маңыздылығын, жеке және заңды тұлғалардың құқықтарын, сонымен қатар Конституцияға енгізілген адам құқықтары туралы заңдарды, бүкіл елдегі саяси органдардың Азаматтарға әділ қарым – қатынас жасауына және саяси бақылау мен тепе – теңдік жүйесін сақтау үшін өте маңыздылығын, заң шығарушы және атқарушы билікке жататын мемлекеттік органдардың сот процестерімен байланыстылығын, сондай – ақ саяси тармақтың тым басым болмауын және демократиялық республиканың құрылымын сақтап қалуын қамтамасыз ету туралы;
- Мемлекет және құқық теориясы мемлекет пен құқықтың пайда болуын, дамуының ең жалпы заңдылықтарын зерттеу, құқықтанудың негізгі ұғымдары мен принциптерінің анықтамаларын тұжырымдау және осы теориялық – құқықтық заң ғылымы аясында ғалымдар мен саясаткерлердің көзқарастарын, мемлекет пен құқықтың қалыптасу мен даму мәселелері туралы идеялар, сондай – ақ «идеалды» мемлекеттік – құқықтық жүйелердің теориялық модельдері туралы сұрақтар қарастырылып, тиісті саладағы проблемалық сұрақтарға салыстырмалы – талдау негізінде дәрістер қорытындыланды.

Интерактивті семинар. Қазіргі уақытта өмірдің, білімнің, қарым – қатынастың және өндірістің жаңа жаһандық ақпараттық – коммуникациялық ортаның қалыптасуына байланысты білім беру және тәрбиелеудің заманауи әдістерін дамыту мен оқыту негізінде практикалық, семинарлық сабақтар:

- «Case – Study» ситуациялық есептер <https://www.canva.com>, топтық талқылауға арналған есептің сұрақтары электрондық интернет платформасы бойынша;
- инновациялық технологияларды белсенді қолдану барысында, білім алушылар логикалық тапсырмаларды <https://app.genial.ly> платформасы арқылы;
- білім алушылардың қызығушылығын арттыру мақсатында сауалнама сұрақтары онлайн – викторина түрінде <https://myquiz.ru> платформалары негізінде өткізілді.

Дәріс тақырыптарын қорытындылау мен практикалық семинар сабақтарын пысықтау және жүзеге асыру барысында, жоғарыда аталған компоненттері (интернет – платформалар) қазіргі әлемнің тез өзгеретін жағдайларына бейімделе алатын білім алушылардың қызығушылығын тудырды.

Болон процесіндегі академиялық ұтқырлық бағдарламасын жүзеге асыру барысында, «Yessenov university» университетінің оқытушылар мен білім алушыларға берілген артықшылықтары:

- Университет жеке парақшасы <https://yu.edu.kz> – өте ыңғайлы, ақпараттар айқын және анық көрсетілген;
- Университет кітапханасы <http://lib.yu.edu.kz/ru/> - негізгі оқу ғимаратында орналасқан кітапхана кішігірім болғанмен интернет желісіндегі парақшасы университет оқытушыларға да білім алушыларға да ыңғайлы, сонымен қатар кітапханаға бару үшін алдын ала интернет парақшасы арқылы жазыла алатын мүмкіндіктерін де қарастырған;
- Теңізшілерді дайындау мақсатына арналған «Теңіз академиясы», осы мамандыққа арналған аудиториялары жаңа техникалармен жабдықталған;
- Қазақ халқының іздерін зерттеуші, тарихшы Алшын Мендалиев есіміне арналған университет оқу ғимаратында, Маңғыстау қазақтарының тарихи оқиғаларына арналған аудитория, сонымен қатар латын әліпбиін зерделеу кабинеті, Корея Республикасының мәдениеті мен тарихын дәріптеу мақсатында "Корей тілі" кабинеті, Маңғыстау өлкесінің киелі жерлеріне арналған керемет жабдықталған аудиториялар;
- «Мейірімділік жолы» әлеуметтік жобасы аясында ерікті студенттер тобының мүшелері қамқорлыққа мұқтаж жалғызбасты қарт зейнеткерлерге үйде көмек көрсету негізінде құрылған жобасы. Білім алушылар кейбір пәнді игеру барысында, аралық бақылау бағалары жобаны жүзеге асыру кезінде қорытындылады;
- Лоджия – білім алушылардың демалу мақсатына арналған ашық алаңы, таңғы ас, ланч (түскі ас) үшін қамтамасыз етілген үлкен тамақтану орталығы, білім алушыларды сергіту мен логикалық ойлау мақсатына арналған үстел теннисі, шахмат ойнау орны, демалу, ұялы телефондарды зарядтауға арналған демалыс орындары, сонымен қатар спорт кешені (СК), баскетбол, волейбол, футбол, жүзу бассейні, спорт залы, бокс залы, күрес залы, пішіндеу залдарына арналған спорт залы бар екі қабатты ғимараты;
- Конференц-залы <https://yu.edu.kz/conferencehalls/> – жиналыстар, кездесулер, баспасөз конференциялары, презентациялар, бейнематериалдарды ұжымдық қарау, сондай-ақ басқа да іс-шаралар өткізуге арналған залдың интерьері білім алушылар үшін ыңғайлы және технологиялық жарақтандырылған.

Осы аталған «Yessenov university» университетінің артықшылықтары, яғни «Теңіз академиясы», «Корей тілі» және т.б. да болашақ мамандары үшін жаһандық еңбек нарығы тұрғысынан білім мен қолдану тәжірибесін алуға тамаша мүмкіндік қарастырылған.

Осы есебiмдi қорытындылай келе, «Yessenov university» университетiнiң «Бизнес және құқық» факультет деканы, э.ғ.к., доцент Омарова Айжан Игиликовна және «Құқықтану» кафедрасының меңгерушiсi з.ғ.к., доцент (қауымдастырылған профессор) Әуешова Бағдат Тiлектесқызы және кафедра профессор – оқытушылық құрамы тарапынан, Республикалық академиялық ұтқырлық бағдарламасын жүзеге асыру барысында жасалған келiсiмшарт бойынша дәрiс өткiзу мақсатын ұйымдастыру жоғары деңгейде болғанына ризашылығымды бiлдiремiн.

Осы Болон процесiндегi тәжiрибе алмасудың басты ең негiзгi мақсаты болып, оқу процесiнiң өнiмдiлiгiн арттыру және болашақ мамандардың теориялық және практикалық дайындығына оң әсер ету.

<https://www.facebook.com/photo/?fbid=2360201960822329&set=pob.100004976439002>

